



Isalathiso: 20170705-2654
13/2/2/2/25
Imibuzo: GH Foster

INGcaciso eMfutshane yeCandelo loLawulo loVavanyo: 0011/2017

Iya: KumaSekela Balawuli-Jikelele; kuBalawuli abaziiNtloko; kuBalawuli; kwiiNgcali zeMfundo eziziiNtloko; kwiiNtloko zoKunika iNkxaso kwiKharityhulam; kuBaphathi beeSekethe; kwiiNtloko zoLawulo noKuphathwa, kumaSekela eeNgcali zeMfundo eziziiNtloko; kuBaququzeleli boVavanyo neeMviwo; kuBacebisi beZifundo nakwiiNtloko zamaziko emfundo alungiselela abaviwa kwiimviwo zeSatifikethi seMatriki sikaZwelonke

ISihloko: Ukulawulwa koMsebenzi woVavanyo okuMgangatho oFanayo (Common Assessment Task) (CAT) kwisifundo solwazi ngezoBomi (Life Orientation (LO)) kwiBakala 12 ngo-2017

1. IMimise-LO i-Regulations Pertaining to the Conduct, Administration and Management of the National Senior Certificate examination eyapapashwa kwiGazethi No. 37651 yange-16 Meyi 2014, icacisa imigaqo yamanqaku okupasa okugqibela kwiSifundo se-LO ngokusekelwe kuvavanyo lwangaphakathi, nemasimodareyithwe ngaphandle, kwakunye noMsebenzi woVavanyo okuMgangatho oFanayo (Common Assessment Task) (CAT) nosetwa yaye umodareyithwe ngaphandle.
2. Injongo yale ngcaciso imfutshane kukwazisa izikolo ngenkqubo emayilandelwe kulawulo lwe-CAT yeSifundo se-LO ngo-2017.
3. **Ukubhalwa kwe-CAT yeSifundo se-LO**
 - 3.1 I-CAT yeSifundo se-LO yenza inxalenye yamanqaku okupasa okugqibela kwiBakala 12 yaye ke ngoko mabayibhalwe ngabo bonke abafundi beBakala 12.
 - 3.2 Umhla wokubhalwa kwe-CAT yeSifundo se-LO **ngowe-08 Septemba 2017**, ukususela ngo-**09:00 ukuya ku-11:00**. Nakuphi na ukushenxa kulo mhla neli xesha, kuya kuthathwa njengesitenxo esixhomisa amehlo.

- 3.3 I-CAT yeSifundo se-LO iya kuba nephepha eliziiyure ezimbini (2) elinamanqaku ayi-80. Iya kuthatha indawo yoMsebenzi 4 kwiKota 3 yaye iya kwenza i-20% yamanqaku okuphela konyaka (*final mark*) eSifundo se- LO.
- 3.4 ISebe leMfundo leNtshona Koloni (ISebe iWCED) liya kuprinta amaphepha emibuzo e-CAT yeSifundo se-LO abo bonke abafundi beBakala 12 kwiphondo ngokwedatha yobhaliso yokugqibela (*final registration data*) echazwe kwi-Centralised Education Management Information System (CEMIS) lize liwase kuzo zonke izikolo ezifundisa iSatifikethi seMatriki sikaZwelonke (*National Senior Certificate (NSC)*).
- 3.5 Zakuwafumana iinqununu amaphepha emibuzo, mazithwale uxanduva ngokupheleleyo njengabagadi babaviwa abaziintloko ukuqinisekisa ukuba iyalandelwa ngqo yonke imiqathango nemigaqo emalunga neemviwo ze-NSC.
- 3.6 Iinqununu maziivule imvulophu ngomhla woviwo kukho nabafundi zize zikubeke esweni ukuhanjiswa kwamaphepha emibuzo.
- 3.7 Iinqununu maziqinisekise ukuba abagadi babaviwa bahlala bebagadile abaviwa ngeliso elibukhali lo gama bebhala i-CAT yeSifundo se-LO.
- 3.8 Emva kokubhalwa kwe-CAT ye-LO, amaphepha eempendulo makafakwe etywiniweyo kwisingxobo (*bag*) ekubonelelwe ngaso aze agcinwe kwigumbi elinqatyisiweyo lesikolo kude kuqaliswe inkqubo yokumakishwa kwawo.

4. **Iingxoxo ngesikhokelo sokumakisha**

- 4.1 Iintlanganiso zeengxoxo ngesikhokelo sokumakisha sikazwelonke okanye esephondo, ziya kuqhubeka ukususela kwi-13 ukuya kwi-20 Septemba 2017.
- 4.2 Isikhokelo sokumakisha sokugqibela (*final marking guideline*) siya kunikwa izikolo ungalulanga owe-21 Septemba 2017, kodwa iincwadi zeempendulo zinokukhutshwa kuphela kwigumbi elinqatyisiweyo ngosuku ekuqalwa ngalo ukumakishwa kwazo.

5. **Ukumakishwa kwe-CAT yeSifundo se-LO**

- 5.1 Ukumakishwa kwe-CAT ye-LO kumele ukuqhutyelwa esikolweni phantsi kweliso lenqununu notitshala oneqhuzu okanye neNtloko yeSifundo ebambeleyo (*HoD*) njengemodareyitha yangaphakathi.
- 5.2 Inkqubo yokumakisha imele ukuqala nge-22 Septemba 2017 yaye mayigqitywe ungalulanga owe-29 Septemba 2017.

5.3 Apho kukho ngaphezu kotitshala omnye weSifundo se-LO esikolweni, iinqununu zimele ukuqinisekisa ukuba ootitshala abazimakishi iincwadi zeempendulo zabafundi bazo.

6. **Ukumodareyithwa kobungqina babafundi**

6.1 Ubuncinane yi-10% yeencwadi zeempendulo ezimakishiweyo ezimele ukumodareyithwa ngutitshala oneqhuzu okanye yiNtloko yeSifundo (HoD).

6.2 Umcebisi wesifundo se-LO makamodareyithe isampula yeencwadi zeempendulo zezikolo ezikhethiweyo.

6.3 Ukumodareyithwa kwe-CAT yeSifundo se-LO kwiphondo nakuzwelonke kuya kuqhubeka ukususela ngowe-02 ukuya kowe-04 Oktobha 2017.

7. **Ukufakwa kwamanqaku e-CAT yeSifundo se-LO**

7.1 Imakhishithi ekhethekileyo (*special mark sheet*) iya kunikwa izikolo ukwenzela ukufakwa kwamanqaku (*recording of marks*) e-CAT ye-LO. Le makhishithi iya kuba **yeyongezelelweyo (additional)** kwimakhishithi eqhelekileyo ekhutshelwa iSifundo se-LO.

7.2 Imakhishithi ye-CAT ye-LO (*CAT mark sheet*) mayithunyelwe kwiSebe i-WCED kunye nezinye iimakhishithi zovavanyo oluqhubekela esikolweni (*school based assessment mark sheets*).

8. Ziyacelwa iinqununu zenze amalungiselelo ayimfuneko okubhalwa kolu vavanyo.

9. Kucelwa wazise ngale ngcaciso kubo bonke ootitshala nabafundi beBakala 12 beSifundo se-LO ukuze bayithathele ingqalelo.

ISAYINWE: NGU- PAD BEETS

USEKELA MLAWULI-JIKELELE WEKHARITYHULAM NOLAWULO LOVAVANYO

UMHLA: 2017-07-25